

Uno vel altero miliari versus ortum ab hac arce ad ripam Boderiæ incipiebat Murus ille Severi, vulgo Grames Dyk, qui ab ortu in occasum perductus fuit ad ostium Glotten, quod alibi docemus. Tota hæc provincia referta est elegantibus ædibus Nobiliorum & Ditiorum, quæ amœnæ sunt, propter situm ad aquas & hortos cum arbutis, quibus decorantur.

Hæc Provincia in tres *vouagias* five præfecturas dividitur, quæ vulgo dicuntur tres Lothianæ, Puta orientalis, media, & occidentalis; Orientalis vulgo dicitur præfectura Hadintoniensis ab urbe Hadina, ad quam indigenæ conveniunt ad Ius audiendum. Hæc præfectura continet in sese plus minus viginti quatuor parochias sibi vicinias, quæ singulæ habent suas sacras ædes ad sacros conventus: quicquid locorum est ultra Tinam versus ortum & aliquot milliaria citra Tinam, ad hanc pertinere præfecturam censetur.

De incolis, omnibus, castris & domibus huius præfecturæ, in generali descriptione universæ Lotheanæ simul & semel jam dictum, quare nihil hic repetemus. Lotheana media vulgo dicitur præfectura Edinburgena, quia ejus incolæ ad Edinburgum itant, ut jus audiant. Hæc præfectura continet Parochias cum

suis ædibus plus minus triginta. Habet ab ortu Hadintonensem præfecturam pro limite, sicut Amnem Æmonem ab occasu, quo separatur à Lotheana Occidentali five præfectura Lithgoana, ut vocant. Hæc tertia præfectura nomen habet ab urbe, in qua jus indigenis dicitur: continet autem plus minus viginti parochias cum sacris ædibus. In hac præfectura sunt argenteæ fodinæ, ex quibus non parum argenti puri nuper effossum est sed jam ab aliquot annis à fodiendo cessant. Si omnia quæ de hac præfectura & reliquis duabus congregare vellem, hic sermo in immensum accresceret volumen.

Per omnes tres Lothianas in usum ignis habent Lithanthracem five carbonem, uti vocant, ex terræ visceribus effossum, de quo fusus alibi: utuntur etiam per has tres Lothianas calce adusta ad impinguandos agros.

Familia nobiliores per has tres præfecturas, sunt hæ: Hayi, Douglassi, Maxnelli, Hamiltonii, Metellani, Keri, Setonii, Scotti, Levinstenii, Ramsæi, Borthvici, Moravii, Elphinstonii, Naperi, Craustoni, Drummenii, Sinclairii, Ionstonii, Hepburnii, Prestonii, Lauderii, Dundassii, Fercautori, Vachopii.

